

故臣等前議如是耳但今民事方殷秋場亦近此非不得已之舉雖不取人何妨同慶左議政洪彥弼議今當飢歲別舉取人甚非其時臣豈不知第慮皇太子誕生冊封其為天下之慶固無輕重前後天使之出來亦為是事施恩等事或舉或不舉前後不同恐天使亦得以聞之雖知取人之非時而敢為此計臣計過矣司諫院陳啓為當右議政金克成議今者別試之議非為聚集儒生也前日藝吳天使之來為誕生皇嗣取人天使大以為喜今冊封之慶有大於前依前規取人非惟前後如一於此益見至誠事大之意臣等非不知內外凶歉不急之舉一切當停天使未到之前以時現儒生刻日錄名照數成冊其不及限者并皆罷遣天使過去後即時試取庶或兩得傳曰大臣之議雖各不同若天使來而據藝吳時前例以取人請之則不得已臨時更議也不然則不必為也左相之議至當○北方南方有氣如火○庚寅日微暈○辛卯傳于政院曰近日以予不寧故內醫院提調等每問安矣今則只聲嘆不快而大槩已歇論賞可